

Uunga siunnersuut: Inatsisartut Ombudsmandiata 2015-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut.

Akissuteqaat

(Naalakkersuisut Siulittaasuat)

Siullermeerneqarnera

Aallarniutigalugu ombudsmandip 2015-imut ukiumoortumik nalunaarutaanut aammalu ombudsmanditut atorfimmini sulillaarsimanera pillugu Inatsisartut Ombudsmandiat qujassuteqarfigerusuppara.

Taamaammat nalunaarut Naalakkersuisut soqutigalugu atuarsimavaat, tassami namminersorlutik oqartussat kommunilla ingerlatsinerannut ombudsmandip kimulluunniit attuumassuteqarnani qitiulluni misissuisinnaasarmat.

Innuttaasut eqqarsaatigalugit allaffissornerup eqqortumik ingerlanissaa inatsisitigullu tunngaviliussat malinneqarnissaat kiisalu pisortani ingerlatsinermi ileqqorissaarnissamut tunngaviit pingaarutillit malinneqarnissaat Naalakkersuisunut pingaartuuvoq

Taamatut oqaaseqarlunga ombudsmandip 2015-imut ukiumoortumik nalunaarutaata Inatsisartunit tusaatissatut tiguneqarnissaa Naalakkersuisunit akuersaarparput.